



Broj: 16-12-16-7190-¹¹/23
I. Sarajevo, 23. 10 2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14 i 59/22), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 18.10.2023. godine, na preporuku Komisije za nabavke za potrebe Državne agencije za istrage i zaštitu u 2023. godinu broj 16-12-16-7190/23 od 23.10.2023. godine, u otvorenom postupku javne nabavke opreme za prenos podataka za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke
opreme za prenos podataka za potrebe Državne agencije za istrage i zaštitu

Član 1.

U postupku javne nabavke opreme za prenos podataka za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Državne agencije za istrage i zaštitu u 2023. godinu broj 16-12-16-7190/23 od 23.10.2023. godine, ugovor se dodjeljuje za:

- LOT 1 - Nabavka sistema VoIP telefonije, ponuđaču „KING ICT d.o.o. Sarajevo“, ponuda broj 16-12-16-7190-5/23 od 05.10.2023. godine, za ponuđenu cijenu u iznosu od 21.359,00 KM bez uračunatog PDV-a;

- LOT 2 - Nabavka opreme za video nadzor, ponuđaču „UNIS Telekomunikacije d.d. Mostar“, ponuda broj 16-12-16-7190-8/23 od 05.10.2023. godine, za ponuđenu cijenu u iznosu od 38.423,00 KM bez uračunatog PDV-a.

Član 2.

(1) Ponuđač „KING ICT d.o.o. Sarajevo“ obavezan je ugovornom organu dostaviti dokaz o ispunjavanju uslova iz tač. 12.1. i 13.2. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-7190-1/23 od 05.09.2023. godine pokrenut je postupak javne nabavke opreme za prenos podataka za potrebe Agencije, procijenjene vrijednosti 59.830,00 KM bez uračunatog PDV-a, za koji je obavještenje o javnoj nabavci broj 1161-1-1-185-3-50/23 objavljeno na Portalu javnih nabavki od 08.09.2023. godine i u „Službenom glasniku BiH“, broj 63/23. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH“, broj 22/23). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podijeljen je na lotove:

- LOT 1 - Nabavka sistema VoIP telefonije, procijenjene vrijednosti 21.368,00 KM bez uračunatog PDV-a;

- LOT 2 - Nabavka opreme za video nadzor, procijenjene vrijednosti 38.462,00 KM bez uračunatog PDV-a.

Obzirom da je tačkom 25. Tenderske dokumentacije navedeno da je rok za dostavljanje ponuda 05.10.2023. godine do 12,00 sati, te da se ponude dostavljaju u zatvorenoj koverti, Komisija je dana 05.10.2023. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljeno ukupno šest ponuda i to:

R/B	Naziv ponuđača	LOT	Ponuđena cijena bez uračunatog PDV-a
1.	„NEXIS d.o.o. Sarajevo”	LOT 1	21.368,00 KM
2.	„KING ICT d.o.o. Sarajevo”	LOT 1	21.359,00 KM
3.	„UMA MULLER d.o.o. Sarajevo”	LOT 2	38.462,00 KM
4.	„DIGITARIJA d.o.o. Sarajevo”	LOT 1	20.541,00 KM
5.	“UNIS Telekomunikacije d.d. Mostar”	LOT 2	38.462,00 KM
6.	„SYSTEM ONE d.o.o. Sarajevo”	LOT 1	20.577,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponude ponuđača „NEXIS d.o.o. Sarajevo” (LOT 1), „KING ICT d.o.o. Sarajevo” (LOT 1), „UMA MULLER GROUP d.o.o. Sarajevo” (LOT 2), „DIGITARIJA d.o.o. Sarajevo” (LOT 1), “UNIS Telekomunikacije d.d. Mostar” (LOT 2) i „SYSTEM ONE d.o.o. Sarajevo” (LOT 1), ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i formalno-pravne uslove iz Tenderske dokumentacije.

Komisija je od Sektora za operativnu podršku Odsjeka za informatiku, komunikacije i sigurnost informatičkih sistema aktom broj 16-12-16-7190/23 od 09.10.2023. godine tražila da na osnovu uvida u ponude ponuđača „NEXIS d.o.o. Sarajevo” (LOT 1), „KING ICT d.o.o. Sarajevo“ (LOT 1), „UMA MULLER GROUP d.o.o. Sarajevo“ (LOT 2), „DIGITARIJA d.o.o. Sarajevo” (LOT 1), „UNIS Telekomunikacije d.d. Mostar” (LOT 2) i „SYSTEM ONE d.o.o. Sarajevo” (LOT 1), dostave stručno mišljenje u pogledu ocjene tehničkih uslova postavljenih u tački 13.3. Tenderske dokumentacije. Sektor za operativnu podršku Odsjek za informatiku, komunikacije i sigurnost informatičkih sistema aktom broj 16-12-16-7190/23 od 11.10.2023. godine dostavio je stručno mišljenje, u kojem je navedeno da ponude ponuđača „KING ICT d.o.o. Sarajevo“ (LOT 1), „UMA MULLER GROUP d.o.o. Sarajevo“ (LOT 2) i „UNIS Telekomunikacije d.d. Mostar” (LOT 2) ispunjavaju tehničke uslove postavljene u Tenderskoj dokumentaciji, a da ponude ponuđača „NEXIS d.o.o. Sarajevo” (LOT 1), „DIGITARIJA d.o.o. Sarajevo” (LOT 1) i „SYSTEM ONE d.o.o. Sarajevo” (LOT 1), ne ispunjavaju tehničke uslove postavljene u Tenderskoj dokumentaciji. Uvidom u ponude ponuđača „NEXIS d.o.o. Sarajevo” (LOT 1), „DIGITARIJA d.o.o. Sarajevo” (LOT 1) i „SYSTEM ONE d.o.o. Sarajevo” (LOT 1), utvrđeno je da isti nisu dostavili potvrdu lokalne kancelarije za Bosnu i Hercegovinu proizvođača opreme čija je oprema predmet ponuda, da je oprema koja je ponuđena nova i neiskorištena. Naime, Tenderskom dokumentacijom je propisano da je ponuđač obavezan dostaviti potvrdu lokalne kancelarije za Bosnu i Hercegovinu proizvođača opreme čija je oprema predmet ponuda, da je oprema koja je ponuđena nova i neiskorištena. Imajući u vidu naprijed navedeno, Komisija ponude ponuđača „NEXIS d.o.o. Sarajevo” (LOT 1), „DIGITARIJA d.o.o. Sarajevo” (LOT 1) i „SYSTEM ONE d.o.o. Sarajevo” (LOT 1) nije uzela dalje u razmatranje.

Obzirom da je Tenderskom dokumentacijom za postupak javne nabavke opreme za prenos podataka za potrebe Agencije predviđeno provođenje e-aukcije u skladu sa Pravilnikom, da su za LOT 2 zaprimljene dvije prihvatljive ponude ponuđača „UMA MULLER GROUP d.o.o. Sarajevo“ i „UNIS Telekomunikacije d.d. Mostar”, Komisija je zakazala e-aukciju za dan 18.10.2023. godine u 12,00 sati u trajanju od 20 minuta.

Komisija za LOT 1 nije zakazivala e-aukciju u skladu sa članom 3. stav (3) Pravilnika, već je postupak javne nabavke za LOT 1 okončala u skladu sa članom 64. stav (1) tačka b) Zakona, primjenjujući kriterij najniže cijene tehnički zadovoljavajuće ponude iz tačke 21. Tenderske dokumentacije, te je sačinila rang listu ocijenjene ponude, kako slijedi:

R/B	Naziv ponuđača	LOT	Ponuđena cijena bez uračunatog PDV-a
1.	„KING ICT d.o.o. Sarajevo“	LOT 1	21.359,00 KM

Prema Izvještaju o toku i završetku e-aukcije od 18.10.2023. godine, Komisija je sačinila konačnu rang listu ponuđača koji su učestvovali u postupku e-aukcije za LOT 2, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„UNIS Telekomunikacije d.d. Mostar”	38.423,00 KM	1
2.	„UMA MULLER GROUP d.o.o. Sarajevo“	38.462,00 KM	2

Nakon provedenog postupka ocjenjivanja dostavljenih ponuda, uvažavajući stručno mišljenje Sektora za operativnu podršku Odsjeka za informatiku, komunikacije i sigurnost informatičkih sistema, Komisija je utvrdila da je ponuda ponuđača „KING ICT d.o.o. Sarajevo“ ocijenjena kao najpovoljnija ponuda za LOT 1 i da je ponuda ponuđača „UNIS Telekomunikacije d.d. Mostar“ ocijenjena kao najpovoljnija ponuda za LOT 2, te da iste ne premašuju procijenjenu vrijednost javne nabavke.


Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke opreme za prenos podataka za potrebe Agencije dodijeli ponuđaču „KING ICT d.o.o. Sarajevo“ za LOT 1 i ponuđaču „UMA MULLER GROUP d.o.o. Sarajevo“ za LOT 2, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 6x;
- Sektoru za mat.-fin. poslove;
- a/a.



DIREKTOR

GLAVNI GENERALNI INSPEKTOR POLICIJE

Darko Čulum